

因明論疏瑞源記
(一)

因明入正理論疏叙瑞源記卷第一

唐大慈恩寺法師窺

扶桑攝津浪華 僧濬鳳潭記



詳夫空桑啓聖。資六位以明玄。

言空桑者漢陽後記云按于寶搜神記云孔子母姓顏名徵在夢黑帝謂曰當禮於空桑因便有娠乃誕孔子

空桑者地名在兗州界從本生處以立名也史記世家曰孔子其先宋人也父叔梁紇與顏氏女野合而生孔子孺尼丘得孔子生而首上圩頂故因名曰丘云字仲尼姓孔氏文正義曰括地志云女陵山在曲阜縣南廿八里于寶三日記云徵在生孔子空桑之地今名空寶在魯南山之空寶中無水當祭時洒掃以告輒有清泉自石門出足以周用祭紇泉枯今俗名女陵山文案空桑地更有一說依列子天瑞篇曰后稷生乎巨跡伊尹生乎空桑又呂氏春秋云有仇氏女採桑得嬰兒於空桑後居伊水命曰伊尹正也謂湯使之正天下文大明一統志曰河南開封府陳留縣古有莘國陳留世紀云伊尹生於空桑郡志云伊尹母既孕夢神告曰若出水即東走明日曰果水見東走數里顧其邑大浸遂化爲空桑今空桑城在陳留縣又開封府陳州有八卦壇伏羲自蔡水得龜因畫八卦於此今謂空桑有兩處別一在山東兗州曲阜縣乃孔子之生址也一在河南開封府陳留縣是伊尹之遺踪也然雖兩說事相似而未詳何是今但用孔子事蓋取于寶說爾是故唯識疏敘亦曰竊以六位精微資象翼而答理二篇玄妙藉蒙列以探機文六位者言易六爻位其卦本伏羲所畫而辭則文王周公所繫故曰周易準王弼略例云夫卦者時也爻者適時之變者也位者爻所處之象也位有尊卑爻有陰陽然事不可無終始卦不可無六爻爻之所處則謂之位卦以六爻爲成則不得不謂之六位時成也又史記曰孔子晚而喜易序彖象繫象說卦文言讀易章句三絕正義云夫子作十翼謂上象下象上象上象上繫文

言序卦說卦雜卦也

苦澗興仙。暢二篇而顯理。

言苦澗者亦處名也史記列傳曰老子者楚苦縣厲鄉曲仁里人也姓李氏名耳字伯陽諡曰聃周守藏室之

史也居周久之見周之衰通遂去至關關令尹喜曰子將隱矣願爲我著書於是老子適著書上下篇言道德之意五千餘言而去莫知其所終索隱曰苦縣本屬陳春秋時楚滅陳而苦又屬楚至高帝十一年立淮陽國陳縣苦縣皆屬焉苦晉估正義曰括地志云苦縣在亳州谷陽縣界有老子宅及廟廟中有九井尙存在今亳州真源縣也厲音賴晉太康地記云苦縣城東有瀨鄉祠老子所生地也 豈若智圓十力陶

萬像以凝規。

十力者一處非處智力二自業智力三靜慮解脫等持等至智力四根勝劣智力五種種勝解智力六種種界智力七遍趣行智力八宿住隨念智力九死生智力十漏盡智力瑤伽菩薩地

第四十九五十及決擇五十七顯揚第四對法第十四菩薩藏經第五大般若經皆釋此相與一切種利樂有情功能相應畢竟勝一切魔怨大威力故說爲力具解名義如法華玄贊五門分別

悲極三輪。

廓五乘而垂範。

三輪者一神變輪二記心輪三說教輪如義林三輪章中釋言五乘者如法苑諸乘章中解云或說三乘涅槃經等即以大乘爲初二乘爲次無性爲第三又有三乘一菩薩乘二

獨覺乘三聲聞乘或說五乘前三如前第四人乘第五天乘善戒等云無種性人無種性故唯以人天善根而成就之又稱讚大乘功德經及十卷楞伽第八又說五乘三乘如前第四即是種姓乘第五方是人天之乘如彼廣出 是

以應物機於雙樹。至教決於塵洲。

言雙樹者謂拘尸那城娑羅雙樹如處處說後記云言決者潤也

歸真寂

於兩河。餘烈光乎沙劫。

後記云歸真寂於兩河者謂生死涅槃名爲兩河問何故大師在此兩河中間入滅答表生死中有涅槃涅槃不離於生死故所以大師於

此兩河而歸真寂亦有解言在二恆河中入滅名歸真寂於兩河不如前解也

大矣哉。固難得而名也。

論語泰伯篇曰大哉堯之爲君也巍巍乎唯天爲大

唯堯則之蕩蕩

暨乎二十八見。蟻聚於五天。

後記云二十八見者如對法真列也文按雜集論第十二彼引大法鏡經中說二十

八不正見如論廣明言蟻聚者西域記八曰護法曰自慧日潛曜傳燈寂照外道蟻聚異學蜂起故今者將摧彼論

一十六師。鷄張於四主。

一十六師者如瑜伽

六七顯揚九十婆沙十一十二明立十六異論差別又如智度論說十六知見委解如彼言四主者西域記云時無輪王
應運瞻部洲地有四主焉南象主則暑溼宜象西寶主乃臨海多寶北馬主寒勁宜馬東人主和暢多人言鴉張者唐乾
符四年詔曰狐假鴉張自謂曉雄莫敵鴉張正作鴉
爾雅曰狂茅鴉郭氏註云今鴉鴉也似鷹而白
爰有菩薩號商羯羅。翻名下解**聖者域龍**若域西

補記第十云陳那唐言盧提慈恩傳四云此言盧提

之門人也。後記云域龍者梵語此云陳那是也秋篠記云具存梵音應言摩訶陳那伽此云大域
龍謂由菩薩德雄辯提而立破自在其猶龍故五印度城莫敢抗者故稱曰大域龍**既資**

善誘實號多聞。善誘者如語曰
循循然善誘人**抱慧海於深衷。**深衷者顏延年詩曰深衷自此
見莊玄謂中心說文裏裏衣也**竦也**

義山於奧腑。故乃鑿荆岑而探璞。下和者楚野民得玉獻懷王使樂正子占之言石王
以為欺殺斬其一足懷王死子平王立和復獻之平**游合**

王又以爲欺斬其一足平王死子立爲荆王和復欲獻之恐復見害乃抱其璞而哭晝夜不止涕盡續之以血**游合**

荆王遣使問之於是和隨使獻玉王使剖之中果有玉乃封和爲陵陽侯卞和不就而去如韓非子等中所載**游合**

浦以求珠。博物志曰合浦民善游探珠民年十餘歲便教入水官禁民探珠巧盜者蹕水底剖蚌得好珠吞而
出又後漢書第六十六曰孟嘗爲合浦太守郡境舊探珠以易米食先時二千石貪穢使民探珠積

以自入珠忽失去合浦無珠餓死者盈
路孟嘗行化一年之間去珠復還云云**秘思優柔。乃制宏論。**優柔者左傳曰優之
柔之莊優和柔調也**其旨繁**

而文約。其理幽而易曉。實法戶之樞機。乃玄關之鍵鑰矣。樞機

者要也發也樞謂門曰門若無樞則無開閉之功故云要也機謂牙牙若無牙則無啓發之用故機有可發之義也易
曰言行君子之樞機樞機之發榮辱之主也言鍵鑰者老子曰善計不用籌策善閉無關鍵而不可開文關鍵者戶鑰也

大抵關門有鍵以止之又有鎖鑰以固之即

戶牡兩端入牝孔所以止門者亦曰關機

遂令勝論數論

下疏具釋

同喬山之押春卯

後記云喬者高也文王符潛夫論曰居累卵之危圖泰山之安豈不惑哉又如韓昌黎云淮西三小州之地而用四海九州之力太山壓卵未足爲喻也

聲生聲顯

如下疏出

譬驚颺

之卷秋穽

颺作颺同本作森俗作颺謂暴風從下而上也擇他各切音託謂艸木皮葉墮地爲穽別作穽非也詩豳風曰十月隕穽案北史云符堅曰今鼓行而摧遺晉若商風之隕秋穽

自時

厥後教思波紛勝獨羣彰耽既業終廣粵以金容映夢

東漢明帝永平七年

帝夢金人遙使西域蔡愔等遇攝摩騰竺法蘭奉佛經像來震旦見漢書并贊長房三寶紀等

玉牒暉晨

永平十四年以白馬馱經而來五嶽道士費叔牙等忌之言虛僞帝勅叔牙等盡出所有奇經秘訣與沙

門所持來經像就焚之正月十五日火作而沙門諸經完然不燼方士稽首欽服帝益異之由是騰蘭譯四十二章經等五經是卽佛教流通東土之始言玉牒者玉牒本帝王制官無定員掌修皇帝玉牒凡編年以帝紀帝系而載其曆數及朝廷政令之因革者爲之而其制度以玉刊爲一牒也又以黃金爲匣鎖鑰皆金也進呈畢安奉於宗正寺玉牒殿故劉勰文心雕龍云固知玉牒金鑰專在帝皇也今亦以佛金口所宜之聖典皆稱言玉牒也

雖至教

已隆而斯典未備惟我親教三藏大師道貫五明聲映千古

五明者西域記曰詳其文字梵天所制原始垂則四十七言遇物合成隨事轉用而開臺誘進先選十二章七歲之後漸授五明大論一曰聲明釋詁訓字詮目流別二曰巧明伎術機關陰陽曆數三曰醫方明禁咒闕衰藥石針艾四曰因明考定正衰研覈真僞五曰內明究暢五乘因

嗟去聖之彌遠慨心冰之未釋遂乃

振錫中區以發覺城之地

慈恩傳曰法師諱玄奘俗姓陳陳留人也其兄長捷先出家住東都淨土寺俄而有勅度二七僧因得出家時年十三以貞觀三年秋八

月欲往西域取未至經詣闕陳表帝不允法師時年二十六私
通自原州出玉關踰崑崙抵高昌葉護等國而去如傳中細紀尋師西夏直詣耆闍之山。後記

云西夏者大國謂之夏言耆闍者依西域記矩奢揭羅補羅城唐言上茅宮城摩揭陀國之正中亦名王舍大城至無憂
王遷都波吒釐梵云曷羅闍羅國姑利嚩祇此云王舍即寒林地新王舍城也宮城東北行十四五里至結栗陀羅矩吒
山唐言鷲峯亦謂鷲臺舊曰耆闍崛山謂也山城北門
行一里餘至竹林精舍東北不遠至曷羅闍姑利嚩祇城 輟曩哲之未聞並包心極架前

賢之不覲咸貫情樞。後記云耆闍者歷也踐文唯識疏又曰先賢未覲咸貫情樞曩哲所遺並包
心極又三藏進西域記云所聞所履百有二十八國竊以章允之所踐結空

陳廣表夸父之所陵厲無逃風土班超侯而未遠張騫望而非博今所記述有異前聞雖未極大千之疆頗窮葱嶺外之境
又顧文曰決志出一生之域投身入萬死之地經是聖迹之處備謁遺靈但有弘法之人遍尋正說經一所悲見於所未
見遇一字慶

聞於所未聞於是貝葉撰於微言家邦返以神足。言微言者微妙之法故名微言
唯識序云激河辯而贊微言是

也家語曰夫子沒而微言絕皆以聖教為微言也法師周遊西字十有七年至貞觀
十九年正月丙子達京師因奏所獲梵本經論六百五十七部譯布中夏如傳錄載 方言既譯道理攸

暢基謬忝資列欲夕死於朝聞。疏主窺基法師本乃鄂忠武公尉遲敬德猶子也永徽五
年帝特旨度為大僧每覽疏記過目成誦義亦頓解善大

小乘因從瑩師受喻伽唯識與旨親承因明稱為正傳著疏凡百部時號百本疏師學者宗之謂之慈恩教初瑩法師至
迦濕彌羅國就衆稱大德創學因明便曉玄闡後至那爛陀寺復遇戒賢論師重探幽顯瑩及東旋授之窺基基以授之

慧沼沼以授之智周各有別傳恐煩略耳言欲
夕死於朝聞者語里仁為美曰朝聞道夕死可矣 恐此道不行乃略述開釋示紀綱之

旨陳幽隱之宗。示紀綱者詩大雅假樂曰之綱之紀燕及朋友
董氏註云大為綱小為紀綱為統紀為目云云 庶明懸智鏡者幸留

心鑒照矣。

因明入正理論疏瑞源記卷第一

商羯羅主菩

薩造

唐慈恩寺法師窺

基疏

唐三藏法師玄奘譯

扶桑攝津浪華濬鳳潭記

今此論中略以四門分別。一敘所因。二釋題目。三彰妨難。四釋本文。

第一敘所因者。因明論者。源唯佛說。文廣義散。備在衆經。故地持云。菩薩求法。當於何求。當於一切五明處求。求因明者。爲破邪論。安立正道。

義範云。因明論者。源唯佛說者。如涅槃經破十外道。具宗因喻。正明立破。諸經所言。自相共相。即明現比。故源佛說。問劫初外道已說。因明何故此言源唯佛

說答。且據內教。因明或過去佛說。皆不違也。文瑜伽第三十八曰。謂諸菩薩當求一切菩薩藏法。聲聞藏法。一切外論。一切世間工業處論。當知於彼十二分教。方廣一分。唯菩薩藏所餘。諸分有聲聞藏。一切外論。略有三種。一者。因論。二者。聲論。三者。醫方論。一切世間工業處論。非一衆多種。種品類。如是一切明處。所攝有五明處。一內明處。二因明處。三聲明處。四醫方明處。五工業明處。諸佛語言名內明。論道倫記曰。言菩薩藏聲聞藏者。此開內明爲二法也。一切外論者。此合因明聲明醫方明爲一法也。以外道論中。先說因明聲明等論佛法。亦間說因明未多行用。後至如意論師方始纂習防護。外道論難方漸行之。未能摧敗。後至陳那方始興盛。一切外道悉來聽習。是故從本合彼三明爲外道論也。又論六十四

曰諍訟究竟者謂諸外道因明論記曰景云無出離意但求過非新羅島法師云因明之興本始外道理實通內論主約本爲語故云外道因明論陳那等論師欲伏外論故造因明論名爲內論今解邪義因明名外因明正義因明本是佛說實以一切外道皆從教而漏出也定實理門疏云竊尋大乘菩薩妙行將欲求成一切種智必須遍學一切教門於中若欲求其宗致勿過五明攝宗備盡是以大乘莊嚴論第五偈云菩薩習五明總爲求種智解伏信治攝爲五五別求而今意辨因明論者自有三義一者以別助總故須因明若不學此於遍學中應非遍故二者爲成四無礙故婆沙百八十云辨無礙解以習因明論爲加行故涅槃經第十七云樂說無礙者於無量阿僧祇劫說辨說義而不可盡是名樂說無礙既據說門故有立破也又云亦於無量阿僧祇劫修集世論故得樂說無礙既言世論故是比量道理也三者爲成大智立正摧邪無畏種子佛果之中四無所畏由此因成

劫初足目創標

真似。

前記云足目者相傳兩釋一云足者多目者慧以多起慧名爲足目二云足腳也足下有目名爲足目如聞俱

別名非九十五外道中不定配屬也文義範云言足目者先德四釋一約事釋劫初有此仙人足下有目二云不但遍身有目乃至足下亦復有目此亦約事釋也三云約理釋以此仙人智慧速疾如足行運如復有目四云但是父母隨意立名初釋爲正然劫初雖有因明真似紛亂未有判定時大梵王化仙人名爲足目創定真似故理門論結十四過類云如是過類足目所說多分說爲似能破性文嵩山云復有釋者此是劫初大梵天王化作此仙惑世愚癡說因明法流布世間復有釋言因明之法無始有之足目仙人知過去事憶昔所聞故於劫初流布人間此即多是混迹菩薩最初起教雖非純真然於後時佛出世間假彼以爲堪化之由譬如此方詩書禮樂先若無者佛亦不化足目過類要而不繁自此已外廣立似門繁多流漫故陳那裁製也文九句義記云問准諸德釋指彼足目何不同耶依濮陽記曰劫比羅者即黃赤色仙人是數論也或據邑記云鴉鵂師此食米騰仙即是勝論或濟恩云非是勝論勝論之師也答雖不彰灼憑疏上下今既標言劫初亦下疏中云數論出在成劫初故知數論

爰暨世親咸陳軌式

世親菩薩嘗作論軌論式論心惜乎

非指勝論爲足目者以勝論出世在成劫未知非彼也

雖網紀已列而幽致未分。故使賓主對揚。猶疑立破之則。

有陳那菩薩。是稱命世。賢劫千佛之一佛也。

後記云是稱命世者應命而出名爲命世也。又案史記云信命

世之宏才。案隱曰。命者名也。言賢人有名於世也。言陳那菩薩者。此之翻名。如叙既解。嵩山寶云。佛入寂後千歲之外。東印度境案達羅國有大城龍菩薩焉。云云。又云。西明法師云。南印度境案達羅國等今尋西域記是東印度境。法師錯敘也。云云。余詳西域記第十并慈恩傳第四。有小大二案。達羅國並皆夾細註。即云。南印度境況。茲疏文亦云。南印度案達羅國。然若實公妄自謬檢。却事先哲。誣之甚矣。言賢劫千佛等者。秋篠等云。未詳有據。今案。域記并傳云。提婆菩薩與咀羅羅漢論議至第七轉。已去羅漢無答。竊運神通。往覩史多宮。請答慈氏。慈氏爲釋。因而告曰。彼提婆者。曠劫修行。當於賢劫成等正覺。汝勿輕也。既而速還。復解前難。提婆曰。此慈氏義。非仁者所能詳究也。羅漢慚服。避席禮謝。今亦囑之。例同彼爾。俟後正焉。

匿跡叢藪。栖慮等持。

自此已下。皆域記文。乃云。案達羅國大都城號瓶耆羅城。側不遠有大伽藍。西南行二十餘里。至孤山。山嶺有石窣堵波。陳那于此

作因明論。陳那菩薩者。佛去世後。承風染衣。智願廣大。慧力深固。惑世無依。思弘聖教。以爲因明之論。旨深理廣。學者虛功難。以成業。乃匿迹幽巖。棲神寂定。下如疏出梵三摩地。此云等持。如唯識疏。

觀述作之

利害。審文義之繁約。

後記云。問爲欲造此理門。論先觀利害。又爲更造餘論。答非獨造此論。更造餘也。問何以爲證。答下有云。將釋深經。明知不局。

于時崖

谷震吼。雲霞變彩。山神捧菩薩足。高數百尺。唱云。佛說因明。

玄妙難究。如來滅後。大義淪絕。今幸福智悠邈。深達聖旨。

後記云。悠

邈者俱是遠也。

因明論道。願請重弘。菩薩乃放神光。照燭機感。時彼南

印度案達羅國王。見放光明。疑入金剛定。請證無學果。菩薩

曰。入定觀察。將釋深經。心期大覺。非願小果。王言。無學果者。

諸聖攸仰。請尊速證。菩薩撫之。欲遂王請。後記云從義問當爾之時山神亦請何獨言因妙吉祥耶答山神雖請未

至敬重故略不言也妙吉祥菩薩。知而惜焉因彈指警曰。何捨大心。方興小志。爲廣

利益者。當傳慈氏所說瑜伽論。此下兩句是疏主補匡正頹綱。可制因明。重

成規矩。陳那敬受指誨。奉以周旋。後記云奉以周旋者陳那菩薩欲受吉祥伏臂即俯仰之貌也文語出左傳又曰以與君周旋杜氏註云

相逼逐也又傳曰將左右周旋進退俯仰於是乎取之考工記云周旋中規折旋中矩注云周旋是直去了却回來其回轉處欲其圓如規也折旋是直去了復橫去其橫轉處欲其方如矩也於是覃思

研精。尚書序曰研精覃思注疏云研嚴精旨審覃思慮覃者謂延引漸長之義也作因明正理門論。已上卽城記文正理者。諸法

本真之體義。門者。權衡照解之所由。權衡者權稱鍾也所以稱物而知輕重者也衡稱也正斤兩者況法至下可知商

羯羅主。卽其門人也。豈若蘇張之師鬼谷。獨擅從橫。蘇張者蘇卽秦蘇字季子

史記列傳曰東周維陽人也東事師於齊而習之於鬼谷先生出游數歲大困而歸兄弟嫂妹妻妾竊皆笑之秦聞而漸閉戶不出其書得周書陰符伏而讀之期年以出揣摩此可說當世之君矣遂約六國從親歸趙肅侯封武安君於是六國從合而并力焉蘇秦爲從約長并相六國乃行過維陽諸侯各發使送之甚衆擬於王者周顯王恐懼除道使人郊勞其嫂蒲服而謝於是散千金以賜宗族朋友其後秦兵不敢關函谷關十五年廣如本傳張謂張儀傳曰張儀者魏

人也始嘗與蘇秦俱事鬼谷先生學術而游說諸侯遂相秦盡蘇秦之計謀也儀說諸侯負約事秦秦惠王封儀五邑號曰武信君惠王卒武王立諸侯聞張儀有卻武王皆畔衡復合從言鬼谷者鬼谷子序曰周時有豪士自隱於鬼谷者自號鬼谷樂壹注云蘇秦欲神祕其道故假名鬼谷風俗通家曰鬼谷先生六國時從橫家案隱曰鬼谷地名也扶風池陽潁川陽城並有鬼谷城蓋是其所居因為號言從橫者詩曰衡從其畝注東西為衡南北為從案隱曰山東地形從長蘇秦相六國令從親而賓秦也關西地形衡長張儀相六國令破其從而連秦之衡故蘇為合從張為連衡也又戰國策註云以利合曰從以威勢相脅曰橫

禮樂而已。

史記弟子傳曰言偃吳人字子游少孔子四十五歲家語曰言偃魯人特習於禮以文學著名案隱曰今吳郡有言偃家蓋吳郡人為是也語陽貨篇曰子之武城聞絃歌之聲夫子莞爾而笑曰割雞焉用牛刀朱氏註云時子游為武城宰以禮樂為教故邑人皆絃歌也家語曰卜商衛人字子夏少孔子四十四歲習於詩以文學著名鄭玄曰溫國卜商案隱曰溫國今河內溫縣元屬衛故子夏文學著於四科序詩傳易又孔子以春秋屬

商又傳禮著在禮志事宜尼者史傳如上按前漢書平帝元始元年追諡孔子曰褒成宣尼公漢書藝文志曰禮古法五十六篇樂記二十三篇孔子曰安上治民莫善於禮移風易俗莫善於樂云云 既而善窮

三量。

後記云現比至教三也秋篠亦同音羽云自他共三也兩釋並通

妙盡二因。

生二因至下當解

啟以八門。通以兩益。

八門兩益各如下舉

考覈前哲。規模後穎。總括綱紀。以為此論。

考覈者覈胡得切考之使實也規模等者後記云與

後代人而作規模故作斯論

大師行至北印度境。迦濕彌羅國。法救論師寺。

西域記云迦濕彌羅

國北印度境舊曰罽賓訛也此云惡名言法救論師寺者五百羅漢造毘婆沙有四評家法救其一焉俱舍光記云達磨但羅唐言法救以法救人故稱法救佛滅後三百年出世由敬其德不多敘其名故婆沙稱大德今舉其首耳或云准域記等樊師所到即達磨但邏多論師唐言法救制難心論處故逢大論師。僧伽耶舍。此云衆伽藍地也今謂不然難心主在健陀羅國雖其名同既處別也

稱。特菩薩婆多。及因明聲明論。創從考決。便曉玄猷。慈恩傳曰。至迦濕彌羅國。初入

其境。歷諸伽藍。禮拜到一寺。宿衆僧夢神告曰。此客僧從東。脂那既爲法來。有無量善神隨逐。如何懈怠。沉睡諸僧。驚寤。禮敬逾肅。數日。漸近王城。王率羣臣。相迎。幢蓋盈塗。請入宮供養。并命大德僧稱等數十人。食訖。王請開講。令法師論難。彼師稱法師者。高行之人。戒潔才睿。多聞總持。而性愛賢士。因請講授。諸論時。年七十。慶逢神器。乃勵力敷揚。自午已前。講俱舍論。午已後。講順正理論。初夜後。講因明。聲明論。境內學士。無不悉曉。法師隨其所說。領悟無遺。盡其此秘。彼公歎異曰。智力宏瞻。以其明懿。足繼世親。昆季之風。所恨生平。遠微不早。接聖賢遺芳耳。言菩薩婆多者。梵云薩婆多。唐言一切有。卽說一切有部。謂宗說三世實有法體。恆有從所立法。以彰部名。此卽彼師善達於薩婆多部所宗發智本論及大婆沙等也。聲明論者。唯識樞要曰。瑜伽第十五云。聲明處。略有六相。一法施設建立。乃至六處所根栽施設建立相者。如樹根栽樹之根本。故聲根本名曰根栽。卽是字也。辨出聲處所名爲處。所本聲明也。謂劫初起。梵王創造一百萬頌。聲明後。命慧滅帝釋。後略爲十萬頌。次有迦多設。離仙路爲一萬二千頌。次有波膩尼仙路爲八千頌。此上四論。總名處所。今現行者。唯有後二。前之二論。並已滅沒。字體根栽。聲明論有三百頌。波膩尼仙所造。略成聲明頌有一千頌。名爲聲明略本。頌後有八界。論有八百頌。名爲因緣。又有開釋迦論一千五百頌。又有溫那地論二千五百頌。此五聲明。並名根栽。能與根本處所聲明爲生智解所依。本故然護法菩薩造二萬五千頌。名雜寶聲明論。西方以爲聲明究竟之極。論盛行於世。

後於中印度境。摩揭陀國。復遇尸羅跋陀羅菩薩等。重討幽微。更精厥趣。又三藏傳曰。法師至菩提樹至誠瞻仰。悲哀懷惱。傷歎嗚咽。其處一踰繕那。聖跡充滿。停八九日至第十日。到那爛陀寺。有二百餘僧侶。與千餘檀越等。將幢蓋花香。復來迎引。將法師參正法藏。卽戒賢法師也。法師在寺聽瑜伽三遍。順正理一遍。顯揚對法各一遍。因明聲明集量等論各二遍。中百二論各三遍。如是諸部。凡經五歲。遍禮聖跡。復還施無厭寺。參禮正法藏。訖聞寺西三踰繕那。有低羅釋迦寺。有出家大德名般若跋陀羅。本於薩婆多部出家。善自宗三藏及聲明。因明等法師。就停兩月。諮決所疑。從此復往杖林山居士勝軍論師所。軍本刹帝利種也。幼好學。先於賢愛論師所學。因明又從安慧菩薩學。聲明大小乘論。又從戒賢法師學。瑜伽

等乃至四吠陀典天文地理醫方術數無不究覽法師就之首末二年學唯識等及問瑜伽因明等疑乃至廣述故以等言而等取焉

披枝葉而窮其根柢。尋波

瀾而究其源穴。

披枝葉等者柳宗元云根柢之搖枝葉攸病注云凡華之根曰帶木之根曰柢尋波瀾等者後記云大者曰瀾小者名波也

雖前修而桂

悟。未列師之芳閑。

後記云雖前修而桂悟者以前修習名為前修其芳名為桂悟未列師者列猶次也文江淹傷愛子賦曰謂比芳於右列望齊英於前修又楚詞云苟得列乎衆芳今意

知。旋踵弘揚。用訓初學。

後記云旋踵者踵謂足跟從西國還名為旋踵文史相如傳曰義不反顧計不旋踵文法師嘗在勝軍論師所一夕有夢曼殊室利勸可早歸緣是

旋踵遂追貞觀十九年春達于西京如法師傳有所表記

庶使對揚邪正。司南有軌。

後記云司南者司主也意指指南也文樂壹注鬼谷子曰肅慎還周公恐其

迷路造指南車送之古史考亦云周公作或曰管仲作崔豹古今注曰舊說周公所作周公致太平越裳氏重譯來獻使者迷其歸路周公錫以駟車五乘皆為司南之製按黃帝內傳曰玄女為帝製司南車當其前志林曰黃帝與蚩尤戰於

涿鹿之野蚩尤作大霧彌三日人皆惑帝令風后法斗機作指南車以別四方古今注又曰指南車起於黃帝戰蚩尤作大霧迷四方於是作指南車也

乃此論之因起也。

第二解題目者。梵云醯都費陀。

以上二字並舌頭以輕聲呼之

那耶。益羅吠奢奢薩

咀羅。醯都言因。費陀云明。那耶稱正理。益羅吠奢翻入。奢薩

咀羅論也。唐云因明正理入論。今順此方言。稱因明入正理

論。依此標名。合為五釋。一云。明者。五明之通名。因者。一明之

別稱。入正理者。此論之別目。因體有二。所謂生了。二各有三。

廣如下釋。今明此因義。故曰因明。所明者因。能明者教。因之

明故。號曰因明。依主釋也。纂要云。依此論標五釋之中。第一解者明。但是教。即五明之總名。因即生了。是一明之別稱。復含言生與智義。今此正理。即二因之

少分取義非餘入者。達解。正理者。諸法本真。自性差別。纂要云。因明生了達解。正理名之爲入。時移

解昧。旨多沈隱。餘雖解釋。邪而不中。後記云。外道小乘中。解道理不正者。皆得名爲餘雖解釋。邪而不中。大乘清辨等立比量。即其

類也。文義範云。問。足目世親。因明准的。何得說餘邪而不中。答。既說時移。即簡於彼。明顯二因道理。然後敢解放。今談真法。故名正理。由明此二因。入解

諸法之真性。即正理之入。亦入正理之因明。並依主釋也。明

體是教。因明即論。持業釋也。簡藏經律爲名。無重言失。纂要云。由明此二因。入解諸法

之真性。即入屬正理。彼因與明能生此入。入於正理。故因及明屬正理之入。故云亦入正理之因明。又入正理不約立敵以分汎明。因此詮因之教。入解正理。雖復此論名因教。亦詮二因。故然是通名。唯正理入是此別目。文秋篠云。此第一釋

即泰初解二云。因明者。一明之都名。入正理者。此軸之別目。因謂立

論者言。建本宗之鴻緒。明謂敵證者智。照義言之嘉由。非言

無以顯宗。含智義而標因稱。非智無以洞妙。包言義而舉明名。立破幽致。稱為正理。智解融貫。名之為入。由立論者。立因等言。敵證智起。解立破義。明家因故。名曰因明。依主釋也。由言生智。達解法之幽致。名入。正理之入。亦入正理之因明。並依主釋。當准初解秋篠云此即備初解三云。因者言生因。明者智了因。由言生故。未

生之智得生。由智了故。未曉之義今曉。所曉宗稱正理。所生

智名為入。因與明異。俱是因名。正理入殊。咸為果稱。由言生前記云立者言生與敵智為因敵智與所立宗為因體即因明也

因故。敵者入解所宗。由智了明故。立者正理方顯。應云正理前記云此下有二段答伏驢語疏中有二雖字即為二也

之入。亦入正理之因明。並依主釋也。立論雖假言生。方生敵

論之智。必資智義。始有言生。敵者雖假智了。方解所立之宗。

必藉義言。方有智了。故雖但標言生智了。即已兼說二了二前記云此敵者必須了立者義了立者言方有智了即敵者自義言二了也

生。攝法已周。畧無餘也。

後記云唯此六因道理即是更不假餘故言略無餘秋篠云此文軌釋纂要云今於第三解下更助二解一云或因明者並立論者證因喻言能生

敵論者了宗之智復能明顯自所立宗論體雖復不殊望義別故因明兩別亦因亦明故持業釋入者敵論者之智因立論言爲因爲明能有證入正理者即所立義由彼因明能生敵智入此正理正理之入入正理之因明並依主釋二云因明與入並通立敵敵者之智能照所宗名之爲明宗果義彰復賴敵智故名爲因因即是明持業釋也宗義顯邊名明能證解邊名入因明即入亦持業釋由立者言正能爲因生於明入明入之因亦名明入因從果名如菩提因亦名菩提正

理如前四云。因明者。本佛經之名。正理者。陳那論之稱。陳那所造

四十餘部。其間要最正理爲先。

淄州云西方內道外道一百餘部皆申立破之義總號因明此通佛未出世之前始從足目等總而論之百餘家也

今云四十餘部者蓋是百餘部之內數乎泰法師云正理者陳那所造集量論等五十餘部名也此理門論爲彼門故名正理門焉山亦同

入論者。天主教之號。因

謂智了。照解所宗。或即言生。淨成宗果。明謂明顯。因即是明。

持業釋也。故伽瑜論第十五言。云何因明處。謂於觀察義中。

前記云自性差別名所建立宗等八支名能隨順順所立故言所有事即是因明因明既在彼所有事申明知因證即得名明持業釋也

諸所有事。所建立法。名觀察義。能隨順法。名諸所有事。諸所

有事。即是因明。爲因照明觀察義故。

後記云問此引意何答意證持業故此文來彼論言諸所有事諸所有事者即是因明爲因照

觀察義故明知因即是明也熱研自悉

正理簡邪。即諸法本真。自性差別。

問此與初釋有何別耶答孝亡云彼約天主而解正理今但以